



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

XIII. Facultas celebrandi Capitula pro Provinciis Congregat. Italiæ Eremitat.  
Discalceat. S. Augustini.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



§. 3. Non obstantibus Constitutionibus, & Ordinationibus Apostolicis, necnon quatenus opus sit duarum Provinciarum, ac Congregationis, & Ordinis hujusmodi, etiam juramento, confirmatione Apostolica, vel quavis firmitate alia roboratis Statutis, & consuetudinibus; privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis, habentes, illis alias in suo robore permansuris ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscator. die. XV. Aprilis MDCCI. Pontificatus nostri anno Primo.

XIII.

Conceditur facultas celebrandi Capitula Provincialia singulis Provinciis Congregationis Italiæ Eremitarum Discalc. S. Augustini.

*Ab Alex. VII. redactus fuit numerus Vocalium ad trinarium ex unaquaque Provincia. Et ab Urbano VIII. an. 1637. suppressa fuere Capitula Provincialia. Quæ postea concessa fuerunt Provinciæ Germaniæ ab Inno. XII. Const. ed. 1692. Jun. 30. P. 1. Hujus Pontif. Constitutione precedenti agitur de suffragio Commissariorum Insularum Philippinarum, & Const. ed. 1702. Dec. 24. P. 3. de suffragio consanguineorum.*

CLEMENS PAPA XI.

Ad futuram rei memoriam.

Exponi Nobis nuper fecerunt dilecti filii vocales Capituli Generalis Congregationis Italiæ Fratrum Ordinis Eremitarum Sancti Augustini Excalceatorum nuncupatorum in hac Alma Urbe nostra novissime celebrati, quod cum eo tempore, quo dicta Congregatio instituta, & a Sede Apostolica approbata fuit parvus esset ejus Religiosorum numerus, ac omnes Priores, & Discreti singulorum illius Conventuum ad Capitulum Generale ipsius Congregationis concurrerent, notitia qualitatatum, & meritum Fratrum magis idoneorum, & virtute præditorum facile habebatur; Sed postmodum dicta Congregatio aucta, & in multas Provincias, tam intra, quam extra Italiam erectas divisa, ac vocalibus illius Capitulorum Generalium, qui duo erant pro singulis Conventibus ad tres tantum pro unaquaque Provincia juxta dispositionem sel. rec. Alexandri Papæ VII. Prædecessoris nostri literarum, quarum initium est - *Militantis Ecclesiæ* - reductis, quia illi soli Religiosos ad officia totius suæ respective Provinciæ eligendos pro suo arbitrio proponunt, experientia compertum fuit, multas inde factiones, & divisiones in Congregatione prædicta introductas, ac quosdam Fratres parum, aut nullo modo habiles, vel idoneos ad exercenda Provincialium, Priorum, & alia nonnullarum Provinciarum ejusdem Congregationis officia promotos fuisse, Provinciæque hujusmodi in magna adhuc perturbatione reperiuntur, timerique potest ne etiam in futurum tota ipsa Congregatio, & regularia illius Instituta conturbentur; ac proinde ipsi Exponentes considerantes, quantum Provinciæ Germaniæ dictæ Congregationis profuerit celebrationem Capituli sui Provincialis illi alias per quoddam Decretum in Capitulo Generali dictæ Congregationis anno 1692. editum, & subinde a rec. me. Innocentio Papa XII. Prædecessore pariter nostro confirmatam concessam fuisse, aliis quoque

omnibus Provinciis ejusdem Congregationis Capitula sua Provincialia eisdem modo, & forma, ac cum eisdem privilegiis, gratiis, indultis, jurisdictione, & auctoritate, quibus dicta Germaniæ Provincia vigore concessionis ejusmodi Capitulum suum Provinciale celebrat, celebrandi facultatem a nobis concedi, ac ad eum effectum tam prædictis Alexandri Prædecessoris super memorata Vocalium reductione an. 1639. quam similis mem. Urbani Papæ VIII. etiam Prædecessoris nostri literis, quarum pariter initium est - *Militantis Ecclesiæ* - super Capitulorum, & Discretiorum Provincialium dictæ Congregationis suppressione anno 1631. respective emanatis, ac Constitutionibus ejusdem Congregationis auctoritate Apostolica confirmatis, in quibus neque Priorum, neque Capitulorum Provincialium ulla mentio facta reperitur, derogari plurimum desiderant, omnesque in Aula supradicti Capituli Generalis congregati suum ad id consensum per vota secreta præstiterunt, ita scilicet, ut omnes Superiores dictarum Provinciarum, & omnia alia illarum officia pro hac vice tantum ad triennium durent: Nobis propterea humiliter supplicari fecerunt, ut in præmissis opportune providere, & ut infra indulgere de benignitate Apostolica dignemur.

§. 1. Nos igitur eorumdem Exponentium votis hac in re quantum cum Domino possumus favorabiliter annuere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati, de Venerabilium Fratrum nostrorum S. R. Ecclesiæ Cardinalium negotiis, & consultationibus Episcoporum, & Regularium præpositorum, qui rem mature discussurunt, consilio; omnibus, & singulis Provinciis prædictis petitam Capitula sua Provincialia ad instar dictæ Provinciæ Germaniæ, sicut præmittitur celebrandi facultatem tenore præsentium concedimus, & impartimur, auctoritate Apostolica, salva tamen semper in præmissis auctoritate Congregationis eorumdem Cardinalium.

§. 2. Decernentes easdem præsentibus Literas, semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore quomodocumque spectabit, in omnibus, & per omnia plenissime suffragari, & ab eis respective inviolabiliter observari, sicque in præmissis per quoscumque Judices Ordinarios, & Delegatos, etiam Casuarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus dicti Alexandri, & Urbani Prædecessorum literis, aliisque Constitutionibus, Ordinationibus Apostolicis, ac Congregationis Italiæ, illiusque Provinciarum hujusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permansuris ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 4. Volumus autem, ut earumdem præ-

sentium

Dat. 30. Apr. 1701. An. 1.

Incho duo ex singulis Coenobis, sed postea soli tres ex unaquaque Provincia auctoritate Apostolica Capitulis Gen. interfuerunt.

Hinc diffensiones orta.

Preces Capituli Gen. pro celebratione Capitulorum Provincialium instar Provinciæ Germaniæ, & contrariorum derogatione.

Concesso facultatis celebrandi præd. Capitula Provincialia.

Clausula.



sentium literarum transumptis, seu exemplis; etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides, ubique locorum, tam in Judicio, quam extra illud habeatur, quæ ipsis præsentibus haberetur si forent exhibitæ, vel ostensæ.

Datum Romæ apud S. Petrum sub Annulo Piscatoris die XXX. Aprilis MDCCI. Pontificatus Nostri anno Primo.

XIV. Erigitur Collegium studiorum sub invocatione Nominis Jesu in Cœnobio Urbinatenſi Ord. Min. Conventualium. Huic Collegio conceduntur privilegia concessa Collegio S. Bonaturæ de Urbe.

*A Sixto V. Constitut. edit. 1587., Januar. 1. & hujus Pontificis Const. ed. 1710. Jan. 10. P. 10. confirmantur regule Collegii Missionariorum in Cœnobio Assisienti.*

Dat. 30. Maji  
1701. An. 1.

CLEMENS PAPA XI.

*Ad perpetuam rei memoriam.*

Exordium. **I**nscribuntur divina sapientiæ consilio Catholica Ecclesiæ regimini meritis licet imparibus prædentes, sacrarum eisque ancillantium bonarum literarum studia præsertim inter Christiani fideles divinis obsequiis sub suavi Religionis jugo addictos opportunis rationibus fovemus, & promovemus, ac pastoralis officii nostri partes peculiari desuper charitate interponimus, sicut ad omnipotentis Dei gloriam, Catholica Religionis incrementum, & præsidium, ac etiam nostrorum, & hujus Sanctæ Sedis in temporalibus subditorum, decorem, commodum, & utilitatem expedire in Domino arbitramur.

Adducuntur  
plures rationes  
pro erectione  
d. Collegii.

§. 1. Exponi siquidem Nobis nuper fecerunt dilecti filii Diffinitores Capituli Generalis Ordinis Fratrum Minorum Sancti Francisci Conventualium nuncupatorum in Conventu SS. Duodecim Apostolorum de Urbe dicti Ordinis novissime celebrati, quod licet Provincia Marchiæ ejusdem Ordinis inter eas Provincias numeretur, quæ Conventibus, & Fratribus magis abundant, ac Provincia primæ classis nuncupetur, nihilominus nullus in ea adest Conventus in quo Collegium studii erectum reperitur, indeque fit, ut Religiosi ejusdem Provinciæ, qui se in studiis, & Regentiis tertiæ, secundæ, & primæ classis Ordinis hujusmodi diu exercuerunt ad Regentias Collegiorum ejusdem Ordinis, quemadmodum ad gradus Paternitatis Provinciæ consequendas per Constitutiones ipsius Ordinis auctoritate fel. rec. Urbani Papæ VIII. Prædecessoris nostri confirmatas requiritur, difficile promoveri valeant.

§. 2. Cum autem, sicut eadem expositio subjungebat in Conventu Civitatis nostræ Urbinaten. Provinciæ prædictæ studium quidem primæ classis Ordinis supradicti habeatur; si vero in hoc eodem Conventu unum Collegium pro duobus Regentibus, decem Collegialibus, & duobus Baccalaureis erigi contingeret, non modo Fratres dictæ Provinciæ, sed etiam Sæculares ejusdem Civitatis, in qua Universitas studii generalis erecta reperitur, ad literarum studia magis excitarentur, nec per erectionem Collegii hujusmodi consuetus Collegialium, ac consequenter etiam Magistrorum dicti Ordinis numerus ullatenus augetur, attento, quod ad effectus ejusmodi erectionis dilecti pariter filii Fratres Provinciarum Neapolitan., & Bononien. ejusdem Ordinis consentiant, ut a Neapolitan. quidem septem, a Bononien. vero Provinciarum hujusmodi

Collegiis tres Collegiales respective segregentur, quin imo, nec Conventus Urbinaten. prædictus ullo exinde majori, quam antea onere gravaretur, cum in eo æqualis, ac de præsentibus habeatur, Religiosorum numerus haberetur, ac tres Lecturæ, Logicæ, scilicet, Philosophiæ, & Metaphysicæ, quæ ibidem sub nominibus Baccalaurei Conventus, Magistri artium, & Magistri studii de præsentibus adfunt, a dictis Collegialibus de cætero exercerentur. Nobis propterea dicti Exponentes humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur.

Præces Diffinitorum Capituli Gen.

§. 3. Nos igitur, qui dictum Ordinem, cujus egregia constant in Ecclesia Dei merita, ac Civitatem Urbinaten. prædictam Patriam nostram dilectissimam, literarum studiis, & virtutibus magis magisque in dies florere propensis desideramus affectibus, ipsorum exponentium votis hac in re quantum cum Domino possumus, favorabiliter annuere volentes, & eorum singulares Personas a quibusvis excommunicationis, suspensionis, & interdicti, aliisque Ecclesiasticis sententiis, censuris & pœnis a jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati, in prædicto Conventu Urbinaten. unum Collegium sub invocatione Sanctissimi Nominis Jesu pro duobus Regentibus, & decem Collegialibus, ac duobus Baccalaureis Ordinis prædicti professoribus, cum omnibus, & singulis privilegiis, prærogativis, præminentibus, gratiis, & Indultis Collegio Sancti Bonaventuræ in primodicto Conventu dudum a re. me. Sixto Papa V. prædecessore pariter nostro per quasdam ejus literas anno Incarnationis Dominicæ 1587. Kal. Januarii emanatas erecto, & instituto, etiam per viam communicationis, & alias quomodolibet, & qualitercumque concessis, & attributis, auctoritate Apostolica tenore præsentium perpetuo erigimus, & instituimus.

Causa hujus Constitutionis.

Erectio dicti Collegii pro 2. Regentibus, 10. Collegialibus, & 2. Baccalaureis, cum privilegiis Collegii S. Bonaventuræ de Urbe.

§. 4. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quocumque spectabit in omnibus, & per omnia plenissime suffragari, & ab eis respective inviolabiliter observari: sicque in præmissis per quoscumque Judices Ordinarios, & delegatos etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

Clausula.

§. 5. Non obstantibus Constitutionibus, & ordinationibus Apostolicis, ac quatenus opus sit Conventuum Provinciæ, & Ordinis hujusmodi, etiam Juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes illis alias in suo robore permanentibus ad præmissorum effectum, hac vice dumtaxat specialiter, & expresse derogamus cæterisque contrariis quibuscumque.

Datum Romæ apud S. Petrum sub annulo Piscatoris die XXX. Maji MDCCI. Pontificatus nostri anno Primo.